

16139.

DE
**EXTRACTO AETHEREO
OLEOSO - RESINOSO.
SEMINUM CINAE.**

**DISSERTATIO INAUGURALIS
MEDICO - PHARMACOLOGICA
QUAM
CONSENTIENTE AMPLISSIMO MEDI-
CORUM ORDINE**

**IN
UNIVERSITATE LITERARUM CAESAREA
DORPATENSIS**

**UT GRADUM
DOCTORIS MEDICINAE**

**RITE ADIPISCATUR
CONSCRIPSIT ET PUBLICE DEFENDET
AUCTOR,
Guido M. Samson de Mimmelstier,
LIVONUS.**

DORPATI LIVONORUM.

**TYPIS J. C. SCHUENMANNI,
TYPOGRAPHI ACADEMICI,
MDCCXXXIV.**

IMPRIMATUR

haec dissertatio ea conditione ut quum primum typis.
excusa fuerit quinque eius exempla collegio exploran-
dis libris constituto tradantur.

Dorpati Livon. die xv. mens. Ianuarii MDCCXXXIV.

DR. HENR. RATHKE,
Ord. Med. h. t. Decanus.

D 17410

**CAROLO HERRMANNO
SAMSON
DE HIMMELSTIERN**

*ÆFRARI FIDHI PARTIS BETHONICAE LIVONIAE TU-
ENDAE CAUSA INSTITUTI PRAESIDI ETC.*

PATRI OPTIMO CARISSIMO

PIE COLENDO

FILIUS.

L. B.

Cum jam in eo esscm, ut, concedente amplissimo hujus universitatis literarum ordine medicorum, ad impetrandum doctoris medicinae honorem dissertationem conscriberem, medicus practicus quidam hujus provinciae experientissimus de commentatione ephemeridibus medicis cl. Hufelandi ¹⁾ a Dr. Schupmanno inserta, remedium novum, extractum aethereum seminum cinae ad lumbricos et ascarides expellendos proponente, certioreme reddidit, auctorem hoc medicamentum propter varias virtutes omnibus remediis antea ad hunc finem adhibitis longe praeferre asserens. Bene animo perpendens, medicamenta hucusque usitata non raro vel actione certa carere, vel varia incommoda adferre aegrotis, non alienum a materia disser-

¹⁾ *Hufeland Journal der pract. Heilkunde* vol. LXX. fasc. 1. p. 132.

tationis esse putavi, efficacitatem novi
hujus remedii, in terris exteris parum
adhuc, apud nos vero plane nondum
adhibiti, experimentis tentare, eoque
plus ad consilium hoc exsequendum
stimulabar, quo magis sperarem fore,
ut cum remedio in dissertatione Dr.
Erdmanni ²⁾ denuo contra taenias pro-
bato et commendato, aliud forsitan com-
parare possem, quod per illi judicaretur,
eodemque modo tuto, cito et ju-
cunde ageret ad tollendas alias et cre-
briores forsitan generis humani vexatio-
nes. Rogo te, L. B., ut benigno at-
que indulgente animo recipias, quae
hisce pagellis commiserim, praecipue
vero observationes in fine earum allat-
tas, quas, tempore urgente rebusque
aliis consilio meo adversis, non eo mo-
do a me tractatas et institutas esse, quo
judex eruditus ac criticus postulare pos-
sit, — ingenue confiteor.

²⁾ *Dissert. de extr. resinoso filic. mar. Dorp.*
MDCCXXXIII.

INTRODUCTIO HISTORICA.

Semen Cinae (syn. Zinae, Sinae, Chinae, Zedoariae, contra vermes, lumbricos, sanc-
tum, santonicum, Sementina ³)) antiquissi-
mum est remedium. Veterum enim et nos-
trum semen Santonicum unum idemque esse
cum plantarum, quae id proferunt, cum ef-

³⁾ v. *Encyclopädisches Wörterbuch der medicini-
schen Wissenschaften von Gräfe, Hufeland,
Link, Rudolphi.* Vol. 3. p. 308.

Nota. Link in libro allato nomen „se-
men cinae“ a „Sementina“ derivat; et „Se-
mentina“ germanice „kleiner Saame“ vertit,
vocem graecum τύπος, τύπος in animo ha-
bens, uti videtur. Forsan vox „sementina“
potius à „semen“ et „tinea“ derivari licet, qua-
ex causa etiam Sementina, non Sementina ut
plerumque fit, dicendum esset. Non omni
verisimilitudine caret, nomen „Santonicum“
loco „Scrophium“ pro semine orientali habi-
tum esse, et quidem propter similitudinem
cum „semen sanctum“; semen sanctum vero
appellatum est temporibus posteris, quia ex
Palaestina praecipue nobis afferebatur. „Se-
men Zedoariae“ ex simili cum radice Zedoa-
riae odore explicare possumus.

fectum ejusdem in corpore organico descrip-
tio ab antiquis v. c. Dioscoride, exhibita,
demonstrat.

Dioscorides ⁴⁾ species varias absin-
thii plantas maternas habet. Affert remedium
sub nomine absinthii seriphii s. ma-
rini ex monte Tauro in Asia minore, atque
ex Aegypto, contra lumbricos et ascarides
agens; — affert etiam absinthium san-
tonicum e Galliae alpibus finitimae, regi-
one Santonica (hod. Saintonge), idem effi-
ciens. Descriptio harum plantarum phar-
macognostica parum accurata hisce verbis a
Kühnio traditur: „est autem herba (abs. se-
riphium nempe) gracilibus ramulis, abrota-
no parvo similis, seminibus referta, exilibus,
amaricans etc.“ Abs. santonic. paululum
modo discrepare a seriphio contendit, di-
cens: „neque tamen seminibus adeo fecun-
dum, subamarum tamen etc.“ Praeterea
propter varias virtutes medicas abs. pon-
ticum affert (quae nunc artemisia absinthiu-
m vocatur ⁵⁾). — Pro materia in abs. seri-
phio et santonico maxime et praecipue agente
principium amarum harum plantarum habere
videtur ⁶⁾. — Actionem generalem esse di-
cit „stomacho inimicam et cum quadam ca-
lefactione adstringentem;“ praeterea contra
vermes eas agere, contendit eoque quidem

4) *De mat. med. Lib. III. Cap. 27. 28. ed. Kühn.*

5) Billerbeck *flora classica. Lpz. 1824. p. 213.*

6) *Cap. 27. l. c.*

modo, ut necentur ac deinde expellantur.
Propinat autem remedium sub forma electu-
arii cum melle, oryza, vel cum sapa et len-
ticula cocta. — Plinius ⁷⁾ quoque tria ab-
sinthii genera habet, santonicum, ponti-
cum, et marinum; quod, probatissimum
in Taposyri Aegypti quosdam Seriphium vo-
care (cap. 29), notat; descriptionem phar-
macognosticam vero negligens, quod actionem
attinet, Dioscoridis fere verba repetit:
„Angustius, dicens, priore, minusque ama-
rum, stomacho inimicum, alvum mollit, pel-
litique animalia interaneorum.“ — Gale-
nus ⁸⁾ easdem absinthii species, quas Dios-
corides, enumerat, plantas vero non descri-
bens, ad verba Dioscoridis provocat, attamen
principium amarum esse substantiam vermes
necantem planius verbis exprimit, dicens:
„porro quod lumbricos interimat, par est,
nimurum quum sit amarum.“ — Alii auctores
veteres ⁹⁾ qui de absinthio mentionem faci-
unt, praecipue de abs. pontico tantum egisse
videntur, de qualitate amara solum disse-
rentes.

Remedium hoc jam antiquissimis tem-
poribus in terris orientem versus sitis, adhi-
bitum, medio saeculo decimo quinto ad nos

7) *Hist. natur. XXVII. 28. 29, XXXII. 31. ed. Franz.*

8) *De simpl. medic. fac. lib. VI. cap. 1. ed. Kühn*

9) e. g. *Theophrast. h. pl. IX. 18. Isidor. XVII. 9. v. Billerbeck l. c.*

pervenit ¹⁰⁾), cui sententiae adsentitur Spielmann ¹¹⁾), primum illud latinobarbaris notum fuisse contendens. Ab illis inde temporibus semina cinae usque ad nostros dies remedium fuerunt principale anthelminticum. Recentiori vero tempore demum indolem pharmacognosticam et chemicam accuratius perscrutati sunt.

PARS-PHARMACOGNOSTICA.

Semina Santonica veteribus dicta cl. Batka flores fuisse contendit plantarum apud nos sub nomine Artemisiae judaicae et incultae L. notarum ¹²⁾ quamquam omnes ferre autores ea derivabant ab Artemisia santonica et judaica L. ¹³⁾. Nunc distinguunt horum seminum genera quaedam, variis plantis tributa. Secundum cl. Dulk ¹⁴⁾ et Batka (l. c.) duo genera tantum distinguenda sunt: 1) semen cinae levanticum s. alexandrinum s. aleppicum, de quo praecipue agendum erit, quia ex eo remedium nostrum infra afferendum paratur. Cl. Treviranus, Nees ab Esenbeck et alii consentiunt, semen

¹⁰⁾ Martius Grundriss der Pharmacognosie des Pflanzenreichs. Erlangen 1832 p. 267.

¹¹⁾ Anleitung zur Kenntniss der Arzneimittel Strasburg 1785 p. 254.

¹²⁾ v. Brandes Archiv XIX. p. 60.

¹³⁾ Billerbeck l. c.

¹⁴⁾ Pharmacopoea boruss. Tom. I. p. 338. seqq.

hoc originem ducere ab Artemisia contra L. syst. sex. cl. XIX ord. 2 Syngenesia superflua; ordo natur. synanthereae Rich., cuius patriam Persiam terrasque ei proximas notant. Caulis fruticosus, in ramos longos divisus est, versus apicem ramulis brevibus, numerosis, floribus dense obtectis. Folia desunt inferiori caulis parti; in superiore vero fasciculata, minima, longitudine duarum vel trium linearum et ejusdem fere latitudinis, pinnatim divisa, glauca exstant. Flores fasciculati sessiles et in ramulis aggregati. Calyx communis s. anthodium constructum e squamis decem vel quindecim ovatis, obtusis, levibus, concavis, imbricatis, adpressis, margine membranaceis glabris, dorso glandulis flavis instructis ita, ut materia resinosa nitida obtectae apparent squamae ¹⁵⁾). In unoquoque anthodio tres vel quatuor includuntur flosculi tubulosi et flosculi, tres vel quatuor imperfecti corolla destituti. Flores descripti illud constituant genus seminum cinae, quod sub nomine levantici s. aleppici s. alexand. nobis notum. Semen cinae in granis dicuntur flores diligenter electi; magis minusve enim impurum esse solet, cum pulvere cinereo, terreno, pedicellis fractis et foliolis scariosis multis, probabiliter squamis calycinis vel etiam cum particulis quarzi concharumque et seminibus Panici miliacei commixtum ¹⁶⁾). Prout longius vel brevius tem-

¹⁵⁾ Martius l. c. p. 268.
¹⁶⁾ l. c.

pus post collectionem praeterit, colorem viride fuscum sive flavovirentem habent, odore peculiari, forti, ingrato, aromatico, odori radicis Zedoariae simili gaudent magis tamen camphoraceo et sapore paululum aspero, aestuante, aromatico, attamen ingrato et amaro. Sub mandicatione sensus calefactio-
nis cum subsequente refrigerationis ut in mentha piperita percipitur.

Ex descriptione elucet, granulis his non jure nomen seminum tribui, accuratae perscrutationis et analysis enim ope invenire possumus calycem squamosum et flosculos tubulosos; sunt ideo semina cinae flores imperfecti pedicellis perscissis intermixti.

Prof. delle Chiaje ¹⁷⁾, semen cinae levanticum perscrutans duo invenit genera. Semina ibi saepissime occurrentia ad novam pertinere contendit speciem artemisiae, cui speciei Kunze nomen Artem. Chiajeneae tribuit ¹⁸⁾. Planta etiam fruticosa, ramos numerosos, virgatos, erectos, striatos, tomento tenui tectos, foliis sessilibus sparsis linearie-lanceolatis instructos, cum floribus erectis sessilibus, et squamis ovatis tomentosis habet. Planta haec levantica suaveolens; flores imprimis odore et sapore radici Zedoariae simillimi. — 2) Semen cinae barbaric. s. indic. s. africanum. Genus hoc maxima ex parte frustulis pedicellarorum

incano-tomentosorum consistit atque ex gemmis floriferis minimis inexplicatis fere globosis, non nitidis, viridibus vel sordide flavo-fuscis. E pigmento color hic non pendet secundum cl. Martium ¹⁹⁾). Planta materna secundum cl. Sieberum Artemisia glomerata Sieb., cui sententiae accedunt etiam cl. Treviranus et Dierbachius ²⁰⁾.

Qui tria assumunt seminis cinae genera, distinguunt in genere sub 2) descripto se-
men cinae indicum sive ostiindicum et semen
cinae barbaric. s. africanum s. americanum,
ut praecipue Martius. Secundum Martium prius multo ponderosius, colore viridi vel sordide flavo-fusco; flores sunt minores,
globulo similiores, non nitidi; inveniuntur simul multae squamae calycinae parvae et
pedicelli fracti et diminuti admixti. Ope
microscopii non appetat nitidum et cum dif-
ficultate tantum cognoscitur integumentum
tenue et griseum. Wackenroder semen ci-
nae indic. et barbaricum quoque distinguens
nomina mutat, supra descriptum appellat
barbaricum, et a Martio nomine barbarici
dotatum denominat indicum. Planta mater-
na secundum Wackenroderum Artem. in-
cultu Del.

Genus tertium Martii, semen cinae
africanum s. barbaricum s. americanum
habet flores rareiores, colore sordide glau-

¹⁷⁾ Salzb. medic. Zeitung. 1826. p. 333.

¹⁸⁾ v. Martius l. c.

¹⁹⁾ l. c.

²⁰⁾ Dulk l. c.

co flavescente, odore peculiari semini cinae proprio et sapore aromatico dulci, camphoraceo sed in minori gradu. Sub microscopio particulae florum et pedicelli iis intermixti villis brevibus tenuibus raris tecta apparent. Genus hoc semper jam mature colligi videtur, quia nunquam flores evoluti inveniuntur in eo. Etiam huic generi seminis cinae arena, conchae etc. admixtae esse solent. Planta materna secundum Wackenroderum, qui hoc genus ostendit vocat, est Art. glomerata Sieb.

Batka ²²⁾ duo tantum statuit genera, semen cinae levanticum et barbaricum, non nisi a mercatoribus distincta, conjungens, atque sub nomine seminis cinae indicij flores veteres et fuscos, sub nomine barbarici vero recentes et virides vendi contendens.

Semen cinae commentari dicunt cum floribus nondum evolutis Artemisiae campestr., Santolinaeque Chamae-Cyparissidis. Etiam fructus Bunii coptici, plantae e familia umbelliferarum seminibus cinae admixtos vide runt. Batka fructus alias adhuc plantae umbelliferae in iis reperiebat, quos Dierbach pro semine Adiowain, prioribus usitato temporibus, a Ligustico Ajawain Roxb. derivato habet ²³⁾, Martius vero (l. c.) ab Ammi Visnaga Lam. derivat. Fructus Tanaceti vulg. et Tanac. balsamitae interdum nomine

seminis cinae hungarici venduntur. Summitates florentes Anabaseos tamariscifoliae L. habitu externo magnam similitudinem habere cum seminibus cinae et in Hispania nomine Chouan contra vermes adhiberi dicunt. Commixtione trium horum generum seminum cinae supra adumbratorum diversissima genera seminum cinae formari posse ostendebat Wackenroder.

PARS CHEMICO-PHARMACEUTICA.

In animo non habeo, hacce in parte dissertationis meae analyses chemicas augere vel novas addere; id tantum recipiam et afferam, quod jam a priori ad cognoscendam substantiam seminum cinae efficacem eodemque modo ad efficacitatem remedii nostri explicandam conferre possit, quo consilio cl. Tromsdorffii analysi chemica, quae aptissima mihi visa est, usus sum.

Semina cinae recentiori tempore demum analysi chemicae subjecta sunt. Cartheuser ²⁴⁾ et Neumann ²⁵⁾ tantum de extracto aquoso et spirituoso parandis agunt. Cartheuser aquam ex seminibus paravit graviter olen tem, olei aetherei vero ne minimam quidem

²¹⁾ vid. Brandes Archiv XIX. p. 60. Tromsd. n. I. XV. 2.

²²⁾ Dulk l. c.

²³⁾ mat. med. Tom. II. p. 332—343. v. Tromsd. n. I. III. 4.

²⁴⁾ Chymie Tom. II. 2, cp. 2.

partem invenit; etiam Wedel ex libra una vix et ne vix quidem vestigia aliqua olei.aetherei accepit²⁵). Cl. Tromsdorff²⁶) primus semina cinae levant. optimae qualitatis analysi exactiori subjecit. Liceat mihi de agendi et experimenti hujus instituendi ratione Tromsdorffii, verba facere, breviterque illam exponere²⁷): Primum oleum aethereum per destillationem seminum cum aqua extrahebatur, colore tinctum erat ex albo flavescente, odore penetrante seminum simili, camphorae vero propinquiore, sapore amaricante et acri, initio calefaciente, deinde refrigerante, levius aqua, maxime volatile, et aethere et alcohole facile solvendum, quum aquae unciae duae non nisi guttam unam exciperent. — Alcohol usque ad 95% concentratum tincturam extraxit prasinam, grave olentem, gustui ingratam. Alcohole evaporato massa remanebat mollis e viridi nigricans, quae cum aqua destillata cocta colliquescens partem resinosam olei instar in vasis fundo depositus, aqua ipsa colore viridi se tingente. Resina illa prasina margines ostendebat pellucidos itemque fila tenuia ejus pellucida erant; praeterea rigida, facilis contritu, sopore paululum acri, non

vero aspero, saporem seminum imitante, aethere porro, alcohole, lixivia kalina caustica, liquore ammoniaci caustico, olō roris marini et menthae piperitae solubilis, non vero oleo terebinthinae et olivarum. Substantia illa ex extracto spirituoso ab aqua recepta post partium aquosarum evaporationem colorem habebat subluteum e viridi, nullum odorem spargebat, saporem praebens acrem, amarum, paululum salsum, ex atmosphaera partes humidas arripiebat, aethere insolubilis, alcohole et aqua dissolubilis inveniebatur, plumbo acetico, hydrargyro nitrico oxydulato et stanno chlorico praecipitabatur, ferro muriatico turbida fiebat colorum induens e cano viridem, ferrumque sulfuricum oxydulatum viridem et sordidum colorem ei praeebat. Habenda erat ideo pro substantia quadam extractiva peculiari cum oxydo calcii malico conjuncta, quod oxydum ope kali oxalici cognoscetur. — Ex parte seminum nunc residua colore viridi jam privata, lutulenta et cana, ope aquae frigidae substantia extractiva gummosa extrahebatur cum oxydo calcii malico conjuncta, cuius maiorem etiam partem aqua bullies solvebat. Lixivia kalina caustica tum adhibita aliam substantiam extractivam ostendebat, ab antecedente haud multum discrepantem. — Remanebant insuper partes lignoso-fibrosae.

Substantias seminum principales easque praecipue proprietates nunc comparabo, quae ad remedii nostri infra afferendi elementa ejusque efficacitatem probanda necessariae

25) Tromsd. l. c. — Fechner Resultate der bis jetzt unternommenen Pflanzenanalysen. Lpz. 1829. p. 3.

26) l. c.

27) cf. Dulk l. c. p. 338.

Grunt: In 500 partibus seminum cinae bene exsiccatis invenit cl. Tromsdorff: 1) olei aetherei partes 4, 0, ex quo oleo odor praecipue, et ex parte vis etiam anthelmintica pendere videtur, experientia enim docet, semina cinae odore privata parum tantum agere; — 2) resinae oleosae prasinæ 55,0 quae resina ab aliis facile distinguitur, quia nec in oleo terebinthinae nec oleo olivarum solvitur. Resina et oleum alcohole solvuntur, facilius vero aethere, praeterea odore et gustu gaudent seminum ipsorum, austero et aspero eorum sapore carentia; — 3) substantiae extractivae peculiaris cum oxydo calcii malico conjunctae 105,0 quae subst. extr. aethere insolubilis, alcohole et aqua facile solvitur et seminibus sapore illum amarum asperum et ingratum praebet; — 4) subst. extr. gummosae 180,0, neque aethere nec alcohole, aqua vero et frigida et tepida maxime dissolubilis, nullo sapore praedita; — 5) subst. extr., lixiviae kalinae causticae ope excretæ 100,0, quae eodem modo solvitur quo antecedens, pariterque saporis expers est; — 6) partium lignearum et fibrosarum 60,0 quarum in cinere kali carbonicum, sulfuricum et muriaticum, oxydum silicij, oxydum calcii phosphoricum et carbonicum inveniebantur.

Secundum Wackenroderum ²⁸⁾ partes

²⁸⁾ vid. Geiger's Mgz. 1827. p. 170. Fechner
L. c.

100 seminum cinae levant continent partium humidarum 7, — olei aetherei 0,39; — cerini 0,35; — substantiae resinosae peculiaris fuscae et amarae 4,45; — resinae balsamicæ acris et aromaticæ 6,05; — substantiae resinosae peculiaris cum kali sulfurico et muriatico et cum kali malico et calce malico commixtae 20,25; — substantiae extractivae gummosae 15,50; — ulmini ope lixiviae causticae inventi 8,60 (idem verisimiliter est cum subst. extr. a Tromsd. ope lixiviae extracta); — partium lignearum 35,45; — calcis malici cum oxydo silicij et substantia vegetabili 2,00; — partium alienarum terrenarum fortuito admixtarum 6,70; — jacturae 0,65. — Semen cinae aëre exsiccatum cineris relinquit 10 partes centesimas, kali muriatici, sulfurici et carbonici 1,50, — calcis, magnesiae, oxydi Silicij, alumii et ferri 8,60 continentem.

Eadem fere elementa Wackenroder in semine cinae barbarico invenit (ab illo sub nomine seminis cinae ostindici allato); — olei aetherei vero minorem quantitatem.

Mentionem adhuc faciam necesse est nonnullarum substantiarum nuper in seminibus cinae inventarum, quarum cognitioni ansam dedit extractum aethereum seminum cinae primum a pharmacopola Lehn paratum, de quo infra. Uno eodemque fere tempore Kahler pharmacopola Dusseldorfensis, et Alms cand. pharm., extractum aethereum seminum cinae parantes, substantiam invenerunt crystallisatam, cui nomen tribuerunt

„Santonini“ vel „Santonicini“²⁹⁾. Consentunt, intro eam separatam esse ex extracto in retorta chimica parato cuius parietibus adhaeserit. Postea etiam Oberdörffer pharmacopœia Hamburgensis observationem allatam experimentis stabilivit³⁰⁾; exactius jam substantiae novae natura exponitur in Buchneri repertorio³¹⁾, de qua breviter hic agam: crystalla Santonicin nominata stellarum formam prae se ferentia componuntur acubus congregatis pellucidis, sericeis, splendentibus, colore stramineo tinctis; — reagentibus chemicis perquisiti neque alcalicam neque acidam indolem ostendunt; aethere et alchole, tepido praecipue, facile solvuntur, liquore ammoniaci caustico ope caloris tantum, — aqua plane insolubilia; — cum acido muriatico fere conjungi omnino non possunt; — nec odore nec sapore gaudent; — luce solis color eorum stramineus augetur; magno calore inflammantur et comburuntur. Ex his allatis, Santonicinum illis adnumerandum esse substantias constat, quas chemia „Subalkaloides fixas“ nominat. — Kahler et Oberdörffer³²⁾ nuper acidum etiam invenerunt, aetherem in extr. aethereo seminum cinae remanentem aqua fervida expellentes, qua in aqua post breve tempus resinae variae aethere antea solutae segregantur,

29) Brandes Archiv 34, 3.

30) I. c. 35, 2.

31) Repertorium für Pharmacie. 38, 1, 2.

32) Brandes Archiv I. c.

gantur, acidum vero illud solvitur naturam prae se ferens crystallisabilem, gum kali sal formans quod etiam crystallisari potest. — Alia substantia quoque nobis, de extr. aeth. seminum cinae parando agentibus, resinæ elasticæ (Kautschuk) similis ab Oberdörffer inventa occurret.

Chemicis quaestionibus de seminibus cinae nunc jam allatis, restat de formis variis pharmaceuticis hujus remedii nonnulla adjicere, ut melius comparari possit efficacia formae a nobis afferendae cum aliis jam prius notis. Fere semper in substantia porrigeantur semina cinae vel electuariis admixta ut jam apud veteres (v. supra), vel in pulvere rudem redacta, qua sub forma mechanice etiam agere dicuntur³³⁾; — praeterea in alias formas rediguntur, aliaeque substantiae iisdem admiscentur vel ad efficacitatem eorum augendam e.g. remedia anthelmintica (cort. ext. nucum jugl., sem. tanac., ferr. sulfurio, etc.) et purgantia (rad. jalapp., merc. dulc. etc.); — vel ad incommoda alia simul evitanda, quae ex constitutione aegrotorum singulari habituque corporis debiliore aut validiore pullulare possint, ut remedia tonica (cort. aur., casc., calani., etc.) sive antispasmodica (valer. etc.). Non raro semina cipae aqua aut vino infunduntur, quae infusiones minoris efficacitatis³⁴⁾ infantibus teneris et debilibus commendantur — aut ad celandum

33) Bremser über lebende Würmer etc. p. 151.

34) Richter spec. Arzneimittellehre III. p. 156.

odorem et saporem (parvulis plerumque tam ingratum ut ipsis nonnunquam ea ingerere nequeamus) in formam trochiscorum, confectionis cinae, electuarii rediguntur. Ex quo elucet addendum saepe esse aliquid et ad efficacitatem actionemque certiorem impletandam, et ad naturam physicam mutandam, sed imperfectos esse hos conatos maxima ex parte, nemo negabit, si perpendat, remedia v. c. efficaciae majoris causa admixta ut purgantia et alia anthelminthica nonnullis in casibus hunc ad finem assequendum necessaria, tubo cibario inimica debilitatem ejus relinquere; in infantibus vero teneris imbecilibusque omnino non adhibenda esse, quibus semina cinae per se jam detrimentum afferre possunt, praesertim quia sine remedio adjuvantibus per longius tempus dari debent, — remedia vero saporem ingratum emendantia vel hoc non exequi v. c. excipientia varia electuariorum anthelminthicorum tamen saporem non abscondentia, — vel minus efficacia ea reddere ut confectionem et trochiscos ³⁵). Bene igitur meritus est pharmacopola Iehn de omnibus qui vermis cruciantur, remedium novum, extr. aeth., ex seminibus cinae levanticis parans cui via illa allata non adhaerent; continet autem hoc remedium substantiam efficacem seminum cinae, sicut medicamen illud a cl. Pesciero ex radice filicis maris paratum parti-

35) l. c. 157. 159.

bus tantum hujus radicis efficacibus constituitur. Hanc praeclaram vim medicam experimenta aliorum et mea ipsius infra afferranda probant.

Jehn hanc parandi methodum secutus est ³⁶): infundi jubet seminum cinae levanticorum contusorum uncias quatuor, aetheris sulfurici uncias sedecim; digerantur saepius agitando per dies tres vel quatuor; e colatura deinde facta aether usque ad quintam partem per destillationem removeatur. Residuum usque ad consistentiam extracti non admodum spissi leni calore (balneo aquae tepidae) evaporetur, et ad usum servetur. Colorem habet, ut afferit, intensive prasinum, odorem penetrantem seminum cinae similem, saporem amaricantem et refrigerantem, aethere et alcoholie facile solvatus, minime vero aqua; conjungi tamen potest cum mucilaginibus.

Oberdörffer ³⁷) exactiorem et mutatam proposita descriptionem de parando extr. aeth., et de iis quae hac occasione observavit, dicit: „Ich bereitete das aetherische Wurmsamenextract mittelst einer kräftigen Luftdruckpresse, indem ich 4 Unzen gepülverten Wurmsamen mit 16 Unzen Aether unter einem Luftdrucke von 3 Atmosphären extrahirte, und wurde der letzte Anteil Aether durch einige Unzen Wasser nachge-

36) Hufeland Journ. 70. 1. Buchner Repertor.
35. 3. 2.

37) Brandes Archiv 35. 2.

presst, wodurch die Tinctur schwach getrübt wurde. Die Trübung verschwand jedoch nach einer Zeit gänzlich, und zeigte die Tinctur nun eine bräunlich grüne Farbe, während am Boden der Flasche eine anfangs pulvrig scheinende, hernach sich verdickende extractartige Ablagerung sich bildete, von welcher sich der ätherische Auszug völlig klar absondern ließ. Aus dem dünnflüssigen extractartigen Rüchbleibsel sonderten sich als dasselbe in eine kleine Porcellanschaale gegossen worden, nach einiger Zeit grünlich ölartig scheinende Tropfen ab, die bei Behandlung mit kaltem Alcohol, welcher das aus Extractivstoff und wenig Harz bestehende Extract völlig löste zurückblieben und sich zu einer schwarzbraunen zähen Masse vereinigten die mit Wasser und Alcohol kalt und warm ausgewaschen, sich in beiden unauflöslich zeigte, von kaltem Aether nicht, schwer von kochendem, leicht und vollkommen jedoch von rectificirtem petroleum gelöst wurde, nach völligem Auswaschen eine elastische Beschaffenheit zeigte und sich dem zufolge wie Kautschuk verhielt. Aus dem längere Zeit hingestellten ätherischen Auszuge sonderte sich noch ein kleiner Antheil desselben auf gleiche Weise ab und betrug die Menge des sämmtlichen ausgewaschenen Stoff's 15 Gran — — — — Es wurden nunmehr von der erhaltenen Tinctur 8 Unzen Aether abdestillirt und der Rückstand einige Tage der Ruhe überlassen; er triübte sich und sonderte eine zähe, braune,

klebrigharzige, gegen 30 Gran schwere Substanz ab, die Alcohol nur grünlich färbte aber nicht von ihm gelöst wurde, sondern nur in kochendem Aether völlig löslich erschien. Sie verlor jedoch durch wiederholtes Kochen mit Alcohol ihre mehr zähe balsamartige Beschaffenheit nicht, und zeigte keine bedeutende Elasticität. — — — Es wurde der Aether noch bis auf andere 4 Unzen abgezogen und die so concentrirte Tinctur in einer Porcellanschaale an einem kühlen Ort der freiwilligen Verdunstung überlassen. Nach einigen Tagen zeigten sich in dem sich verdickenden Extract am Boden der Schale kleine Crystallgruppen, die mechanisch abgesondert und mit wenig Alcohol abgespült, gelbliche weisse Flittern darstellten. Aus dem Extract in welchem zwar noch Spuren von Crystallen wahrnehmbar waren ließen sich jedoch ferner bei dersich immer mehr verdickenden Consistenz keine solche mehr absondern und betrug die gesammte Menge der Crystalle 12 Gr. — — — Das Gewicht des erhaltenen Extracts betrug aus den angewandten 4 Unzen Wurmsamen 7 Drachm. und besaß dasselbe eine bräunlich grüne Farbe, den Geruch und kräftig aromatisch-bittern Geschmack des Wurmsaamens.“

A. Kahlero ³⁸⁾ etiam methodus affertur
hujus extracti praeparandi. re vera tamen

38) Brandes Archiv 34. 3. p. 318. et 35. 2.
p. 217.

non discrepans ab illis quas commemoravimus
ideoque eam praetermittam.

Remedium nostrum, in pharmacopolii dorpatensibus adhuc ignotum, nunc, ut experimenta cum eo instituerem a pharmacopola perito hic Dorpati parabatur, ut nunc describam: seminum cinae levanticorum eximiae qualitatis unciae sex aetheris sulfurici unciis viginti quatuor in vase vitro che-mico vesica postea obducto infusae lenique calore per dies tres digestae, tum colatae per aliquot tempus stabant donec tinctura aetherea pellucida fieret, qua deinde a sedimento separata et destillationi subjecta aether cauto modo acquirebatur, in retorta vero remanens materia usque ad consistentiam extractorum consuetam in vase porcelaneo evaporabatur. Ab initio usque ad finem hujus tractationis dies quinque elapsi erant. Ex unciis seminum sex drachmae paratae erant sex extracti aetherei. Crystalla vero nulla secernebantur ex extracto eaque ex causa ut mihi videtur, quia aetheris destillatio et evaporatio extracti breviore quam par erat tempore fiebat, majorque aetheris copia destillabatur, qua ratione extractum cito consistentiam accepit spississimum separationem crystallorum impedientem; secundum methodum Oberdörfferi vero longiorem, quam ad formanda crystalla opus esse etiam affirmat Martius¹⁹),

39) l. c.

melius crystalla segregari poterant. Eadem ex causa minorem etiam extracti copiam accipimus, quam Oberdörffer. Doleo, Santonicum ipsum a me colligi et usu ejus experimenta in aegrotis institui non potuisse. Extractum ipsum consistentiae erat spississimum et tenacis, colore e viridi fusco, odore seminum cinae, eorumque sapore aromatico-amaro non vero ingrato et aspero simul praeditum.

Nemo adhuc chemicorum, si recte menimi, extractum hoc analysi subjicit, si vero ex partibus seminum cinae constituentibus earumque natura et in specie quidem et substantiarum variarum facultate solvendi singulares seminum partes, modo indirecto, quae sint partes extracti aetheris ope parati, concludere licet, haec fere dicenda habeo: Cl. Tromsdorffii analysin seminum cinae extractius a me allatam cum Oberdörfferi methodo extracti nostri parandi narrata comparans, optima forsitan ad finem meum assequendum uterer ratione, nisi minus accurate Oberdörffer de rebus gestis disseruissest, tamen quantum ex hac comparatione concludere licet afferam: secundum Tromsd. partes semina cinae praecipue constituentes sunt: oleum aethereum, ex quo seminum cinae odor peculiaris pendet, — resina oleosa, — substantia extractiva peculiaris cum calce malico conjuncta, — subst. extr. indolis gummosae, — subst. extr. ope lixiviae causticae separata, — partes lignosae et fibrosae, — quibus omnibus addenda

sunt, santonicinum et acidum santonicinum postea inventa. Oberdörffer dum extractum parabat nostrum, neque sedimentum substantiae extractivae comparandum, neque materiam resinæ elasticae similem, neque substantiam fuscam viscidam (cum substantia extr. gummosa Tromsd. forsan conferendam) aethere solvi aut extrahi vidit; ex extracto vero, aethere jam destillato, santonicinum forma crystallorum segregabatur. Tromsd. aethere oleum aethereum tantum et resinam oleosam solvi contendit, ceteras vero partes constituentes alatas non solvi, quae cum iis fere comparari licet, quae Oberdörffer aethere non receptas esse narrat, etsi non tanquam rem certam haec dicam, Oberdörffero ipso substantias illas non diligenter a se examinatas esse, profitente. Praeterea in aethere solvitur santonicinum præcipue in calido, neq; semper ex extracto prodit si v. c., ut jam dixi, evaporatio nimis festinata eoque consistentia extracti brevi jam tempore spissior facta, quominus crystalla fermentur et separantur, impedit. De acidi santonicini solvendi ratione experimentis nondum certiores facti, tamen aethere solvi id concludimus, quia, ut supra commemoravimus, ex extr. aeth. id paramus. Omnibus his perpensis, has substantias aethere extrahendas, extracto aeth. seminum cinae inesse debere, sequitur: oleum aethereum, resinam oleosam, acidum santonicinum et pro rebus santoninicinum. Partes ergo principales respici-

ens nomen ei tribuerem: extracti aetherei oleoso-resinosi seminum cinae.

PARS DYNAMICA.

Ut virtutes dynamicas remedii nostri accuratius exponere et illustrare atque commoda et incommoda ejus comparati cum seminibus cinae, (quippe quod remedium antihelminthicum efficacissimum ac praestantisimum hucusque jure habitum sit) examinare et componere possimus, de seminum cinae classificatione, effectuque et qua ratione adhibeantur, aliquid dicamus, necesse est, antequam de remedii nostri ipsius classificatione, effectu atque usu agamus.

Si utique licet, remedium aliquod secundum virtutes ipsius chemicas classi alicui adnumerare, quae classificatio, cum chemia magis magisque excolatur, fortasse aliquando maxime consentanea et perfectissima habebitur, non possumus, quin semina cinae secundum elementa in sectione antecedente exposita cum Heckero⁴⁰) ad remedia aromatico-amara pertinere dicamus. Ex his elementis concludi etiam potest duplimentum eorum esse effectum, volatiliter-incitantem et tonicum. Attamen, ut omnibus notum, hoc remedium minus propter illos effectus in usum vocatur, quam propter virtutem suam antihelminthica contra lumbicos et

40) Pract. Arzneimittellehre. 1829. I. 283.

ascarides, quae eo manifestatur, quod vermes necantur et expelluntur. Nec raro tamen sine effectu adhibetur, ita ut ad alia remedia confugiendum sit⁴¹⁾). Contra taeniam non multum valet, in infantibus tamen adversus eam datum est et interdum quidem prospero successu⁴²⁾). Alii principio amaro, alii volatili hanc virtutem praecipue adscribendam esse putant. Veteres principium remedii amarum maxime animadverentes, hoc quoque vim anthelminthicam in se continere credebant. Cui opinioni nonnulli recentiores quoque adsentuntur, ut Voigt⁴³⁾, qui dicit, in anthelminticis amaris amaritudinem in generali effectu primum locum obtinere. Alii ut Richter⁴⁴⁾ arbitrantur, vires remedii anthelminthicas praecipue positas esse in principio foetido quod oleo aethereo et resinae inest. Idem contendit Tromsd.⁴⁵⁾, dicens, semina cinae, amiso odore, jam nihil efficere. Praeter effectus anthelminthicos caeteri etiam non sunt negligendi, qui seminibus cinae, ut remedio aromatico - amaro, producuntur. Tanquam remedium volatile in universum, cui remediiorum classi propter oleum aetherenum foetidum adscribenda sunt, in sistema

41) Richter *I. c.*

42) *Ibidem.*

43) *Lehrbuch der Pharmakodynamik. Vol. I.*
p. 629.

44) *I. c.*

45) *I. c.*

nervorum et maxime etiam in sistema ganglionum agere et incommoda illa nervosa opprimere valent, quae helminthias in saepissime comitantur. Tanquam remedium tonicum simul corrigere possunt conditio nem asthenicam tractus intestinalis, quae praecipue secrezione, assimilazione ac motu peristaltico morbos se manifestat, atque ad hoc efficiendum principio volatili maxime adjuvantur, quia hoc in torpore, qui ubi res ita se habent plerumque adest, effectui tonico viam faciliorem parat. Hinc intelligitur, non solum helminthias in remedio sanari sed etiam concomitantia vitia tractus intestinalis, atoniam tunicae mucosae in genere, muci accumulationem in intestinis, ventriculi aciditatem, aliasque hujus generis morbos chronicos et alienationem systematis ganglionum non minus facile et certe eodem, dummodo ratione justa adhibeatur, posse oppugnari. Anthelminthica amara in genere quidem non fortiter agunt in mutationem tunicae mucosae intestinalrum, atque etiam satis facile concoquuntur, si tamen doses nimiae et frequentiores porrigitur, haud omnino noxa vacant⁴⁶⁾; praeter indigestiones quas tum ut alia amara generare valent etiam sanguinis exagitationem, aestum et congestiones cum praecipua systematis nervosi affectione, vertiginem, oculorum scintillationem, aliaque ejusmodi incommoda producunt. Quare medicum apud

46) Voigt *I. c.*

infantes sensibles et maxime irritabiles cautum esse oportet. De diversis formis seminum cinae et de additamentis quibuscum porrigitur, ut sapor melior fiat, efficacia augeatur vel alia consilia secundaria attingantur v. c. ut incommoda nervosa vermium stimulo provocata sedentur, vel debilitatus tractus intestinorum et digestio simul roborentur, jam supra breviter, quae necessaria videbantur, attulimus.

Restat, ut pauca de dosibus et de ratione adhibendi hujus remedii addamus. Apud infantes sex grana seminum cinae statuta sunt ut dosis minima, quae secundum aetatem usque ad drachm. dimidiā augenda est. Adultis doses drachmae unius vel etiam maiores porrigitur. Haec dosis, quacunque in forma remedium praebeatur, plerumque saepius repetenda, bis quaterve quotidie et saltem per plures dies, non raro nonnullas hebdomades deinceps adhibenda est, ut effectus sequatur, nam omnes scriptores consentiunt, magnas doses quibus cura brevi tempore absolvī possit, facile habere effectus simultaneos nocentes, cum vim noxiā in ventriculum exserant, et vasa nervosæ præsertim in infantibus debilibus vehe- menter incitent⁴⁷⁾. Saepe vero medicus quamvis hujus medicaminis usus diu continuatus sit, tamen coactus est ad alia reme- dia configere, ut consilium optatum, ver- um exturbationem, assequatur v. c. alia

47) Richter l. c. p. 157.

anthelminthica adhibere, aut, quod plerumque necessarium est, post hoc medicamentum purgantia drastica in usum vocare, quae minime accomodata sunt tenerae con- stitutioni infantum, quippe qui frequentissime vermis laborent, neque organis digestionis debilitatis, quae in helminthiasi semper reperiuntur. Etiamsi vero medico contingat ut solo usu seminum cinae vermes expellat, minime tamen est negligendum, jam continuatum hujus medicaminis u- sum, incommodis conjunctum esse. Quam- quam enim vires tonicae seminum cinae sta- tum asthenicum tractus intestinalis tollentes causam primariam generationis verium si- mul delere valent — quod ad præcipua se- minum cinae commoda refertur — irritantes tamen remedii effectus et sequelae, quas principiis aethereo - oleoso - resinosis illud producit, deterrire nos possunt, quominus illud ad vermes exturbando adhibeamus, præsertim cum tantummodo usu diutius continuato effici possit. Atque etiamsi usu ejusmodi vermes removere nobis succedat tamen helminthiasis ipsa non tollitur (nam ut hoc fieret, etiam diutius continua- da esset cura, quod periculum adduceret) sed semper etiam alia remedia medica et dialetetica ad curam secundariam adhibenda sunt, si curam radicalem esse volumus. Se- mina cinae igitur semper modo medicamen præebent, quod **magis palliative ad vermes expellendos aptum est, minime vero ad cu- ram helminthiasis radicalem efficiendam.** Itaque sane optandum erat, ut remedium reperiretur contra vermes, quod sine addi-

tamentis certius celeriusque ageret, commodius assumi posset, et effectus secundarios nocentes non haberet, — etiamsi post ejus usum ad oppugnandam propriam vermium intestinalium causam, muci nempe accumulationem in tractu intestinorum et astheniam hujus organi, alia remedia medica et diaetetica adhibere cogeremur, quae tamen sine damno agerent in infantes, et sub aliis quoque conditionibus in astheniis ejusmodi probata essent. Maxime enim respiciamus necesse est, infantiles plerumque esse organismos, contra quos methodi nostri anthelminthicae diriguntur, cum in iis helminthiasis omnium morborum frequentissimus sit et incommoda plurima ac pessima secum ducat.

Medicamen ejusmodi vero in extracto aethereo seminum cinae repertum esse arbitrator. Si hoc quoque secundum proprietates chemicas classi alicui adscribere volumus, equidem ad balsamica illud referrem, ut massam compositam e resina et oleo aethereo, quae ut supra vidimus elementa ejus praecipua sunt. Amaritudo, illi et maxime quidem principio resinoso propria (v. supra), non est adscribenda principio peculiari, nominativum non principio extractivo, cum hoc in seminibus ipsis quidem, minime vero in extracto aeth. reperiatur, sed resinae ipsi, ut etiam aliae resinae v. c. terebinthinae, peculiarem amaritudinem possident (quam in principio extractivo positam esse non necesse est) etsi minus fortem quam resina seminum cinae. Summo jure autem huic resinae vires tonicae vindicandaes esse videntur, tam secundum aliorum amarorum analogiam,

quam quia tonice agunt semina cinae ipsa quibus haec resina odore et sapore omnino par est, eo tantum discrimine, quod extr. aeth. non simul habet saporem illum austrum, ingrate amarum, qui in principio extractivo peculiari seminum cinae situs, ab extr. aeth. non est receptus.

Effectus hujus remedii eo constat, quod vermes, nominatim lumbricos et ascarides interficit et etiam expellit (contra taenias nondum tentatum est). Interficere vero videtur vermes principio illo quod anthelminthicum appellari possit et probabiliter in partibus aethereo - oleoso - resinosis positum est. Nunc etiam dijudicare possumus sententias diversas de partibus seminum cinae efficacibus supra, ubi de illius remedii effectu egimus, allatas, et eorum quidem sententiam qui principium olens seminum cinae anthelminthicum ducunt, veriorem esse arbitramur, quam eorum, qui virtutem anthelminthamicam in amaritudine positam arbitrantur, dicentes, eam tractu intestinorum roborando vermium generationem atque hac ratione vermes ipsos quoque delere; etenim, quamquam extracti aeth. amaritudinem denegare non possumus, quae omnino nequit a resina separari, multo vero minor est quam in seminibus cinae ipsis, ubi principio extractivo augetur, tamen extr. aeth. multo celerius, jam post unam vel duas doses, agit, quam ut amaritudo ipsi insita mutationem ejusmodi in tractu intestinorum provocare valeret quae causam generationis verium et sic quoque vermes ipsos extingueret. Nihilominus vero aliquid virtutis

anthelminthicae summo jure amaritudini extracti aeth. adscribendum est, quia haec tum partem essentialem principii aeth.-oleoso-resinosi constituit, quod anthelminthicum esse cognovimus, tum motum peristalticum in tractus intestinalis strato musculari augens vermium interfectorum expulsionem producere videtur⁴⁸⁾. Denique, cum de effectibus extr. hujus aeth. agamus, non est omitendum, illi probabiliter, ut seminibus cinae, esse facultatem tollendi incommoda nervosa quae cum vermbus in connexu sint. Praecipue vero etiam commemoranda est egregia ejus efficacitas contra ascarides, adversus quos anthelminthica validissima aliae medicamina saepe frustra adhibita sunt. Tamquam specificum vero nunc secundum plurium medicorum⁴⁹⁾ testimonia extr. hoc aeth. probatum est. Ex mea experientia id quidem dijudicare nequeo, cum hujus reme-

48) Nota. Aliae quoque plantae amaritudine eximia praeditae viribus anthelminthicis pollent, nominatim ex Artemisiis, ut Art. abs. Non dum vero exploratur est, annon illae quoque principio aethereo-oleoso agant, quod iis etiam insitum sit, quamquam negari nequit, illas ut remedia tonica secundarie vermes extinguere valere sicut semina cinae quoque ut remedium simul amarum; in hoc tamen principium aeth.-oleoso-resinosum anthelminthicum jam primarie id efficit quod tonicamarum secundarie demum producit, nisi forte statuere velimus amaritudinem anthelminthicam peculiarem; peculiaris vero haec amaritudo demum fit per elementum oleoso-resinosum.

49) v. Huseland Journal l. c. Rust Mgz, 55. t.
s. p. 50.

dij directe contra ascarides adhibendi occasio mihi non data sit, quamquam, ubi adversus lumbricos propinabatur, in nonnullis casibus simul cum his magnam mortuorum ascaridum copiam evacuatam vidi.

Commoda vero quibus remedium nostrum gaudet, haec sunt: 1) Effectus ejus certus est; ubicunque vermes adesse constabat, emoti sunt. 2) Cito agit, una duaeve doses jam sufficiunt, et raro remedio laxante opus erat saltem nunquam drasticum, neque aliis additamentis ad efficacitatem ejus augendam. 3) Vermes exturbat sine ullis molestiis vel effectibus secundariis nocentibus, quales producunt semina cinae, si nimiis dosibus vel justo diutius porriguntur. 4) Effectus ille certus, citus et innoxius non redimitur sapore admodum ingrato; e contrario pueri libenter illud assument, quia sapores parvae facilius occultari potest atque etiam minus injucundus est, cum in hoc remedio substantia extractiva, seminibus cinae propria, itaque sapor iste asper et ingratus huic substantiae insitus, non addit. Sapor melior remedium, parvulis praecipue porrigendi, certe respiciendus est maxime, cum parvuli pulvrem seminum cinae, quin etiam in electuario, maximo tantum cam taedio atque saepe opinio non assumere possint, conf. cinae contra et trochisci saporem quidem emendent et abscondant, sed etiam minus agant, ceterisque seminum cinae incommodis non careant. Ex iis quae modo de extr. aeth. effectu diximus, elucet, imprimis commendandum esse id ad vermes expellendos, casusque ubi in universum ver-

mium exturbatio indicata sit, hoc remedium etiam indicare (quare hic de indicationibus singularibus sermo esse non potest), — minus autem vel fortasse omnino non helminthias tollere, ad quod consilium exsequendam ut supra expositum est, alia remedia apta in usum vocantur; quod tamen non potest opprobrio duci remedio nostro, neque causa esse, cur aliis postponatur, cum etiam caetera remedia antihelminthica propria non simul adhiberi soleant tanquam remedia vermium causam tollentia.

Addenda erunt nonnulla de ratione extracti aeth. adhibendi ejusque dosibus. Dr. Schupmann, primus hoc remedio usus⁵⁰), infantibus unum ad tres annos natis grana dabat unum ad tria, et prout provectionis jam erant aetatis, grana quatuor — quinque, adultis decem grana p. d. propinabat et semper optimo cum eventu. Alia remedia adjuvantia v. c. laxantia nunquam admiscebat ut certior fieret de efficacitate peculiari remedii sui. Granis $j-jj-x$ cum $3j-j\beta$ sacchari albi contritis, massam quandam formabat pilularem, quam cum aqua aut vino aegrotis dabat; etiam tincturam cum spiritu vini paratam adhibebat. „Der Kranke nimmt, inquit ille l. c., das Mittel Morgens nüchtern, trinkt darauf eine Tasse schwarzen Kaffee, bleibt dann bis Mittag ohne Speisen und nun wird ihm eine dünne Fleischbrühe oder andere Suppe gereicht; gegen Abend oder des Nachts, höchstens aber bis zum andern Morgen, gingen dann die Würmer ab.“

50) Hufeland Journal l. c.

Dr. Billroth⁵¹) remedium nostrum contra ascarides adhibens duobus diebus deinceps mane aegrotis jejunis, et quidem adultis gr. vijj extracti dabat ex quo cum pulv. seminum cinae pilulas formabat. Infantibus gr. jj vel jv matutino tempore cum syrupo simplici dari jubet. Omnes qui remedio hoc utebantur (affert quinque casus) postridie mane, nonnullis horis postquam remedium illud sumpserant peractis, permagnam ascaridum mortuorum copiam dejiciebant.

Nos cum in casibus mox afferendis, causis variis, de quibus infra agamus, moti, non eandem rationem semper sequi potuerimus, exactius de methodo nostra singulos casus tractantes, verba faciemus. Hic tantum de formulis dicam quae non mutabantur. Plurimis in casibus extractum in pharmacopolio Dorpatensi paratum in pulverem rededi cum sachari albi s. q. conterens antequam aegrotis darem medicamen. Grana $j-jj$ — v pulverem constituebant si cum sacch. albi $3j-j\beta-jj$ conterebantur. Hujus pulveris infantes unius vel quatuor annorum tantam acceperunt quantitatem, ut extracti aetherei aetatis annorum par granorum numerus pro dosi ingereretur; infantibus quinque ad decem annos natis grana v ad vijj dabam. Pulvis hic fere omnino dulcis minime tantum saporem amarum, odorem vero aromaticum non ingratum praebens, a parvulis libenter sumebatur, uno excepto casu, ubi non remedii erat culpa sed aegroti. Alias sub forma pilularum illud adhibebam secundum formulam hanc: R. extr. sem. ci-

51) v. Rust Mgz. l. c.

nae aeth., pulv. sem. cinae ana 3*β*. m. f. m. p.
ex qua form. pil. gr. jj, quas pilulas paucissi-
mis in casibus tantum aegrotis meis parvulis
inferre potui, ideoque extracto ruri, ubi
experimenta mea institui, jam absunto, pi-
lulas conterendo cum saccharo in pulverem
redactas porrigerem coactus sum, eadem in
dosi quam supra memoravi et pulvere hoc,
et pilulis utens. Tincturam etiam parari
jussi, hanc formulam praescribens: R. extr.
sem. cinae aeth. 3*β* solve in spir. vini rectif.
3*β*. Sumantur quavis vice 10 — 60 guttae,
quam tincturam organismo infantili non
convenientem, aegrotis adultis non mihi
occurrentibus, nondum adhibui, efficacem
tamen eam esse, historia morbi a Dr. Schup-
manno (l. c.) narrata probat, in qua de ju-
veni agitur septemdecim annos nato, qui
unica granorum aliquot extracti in spir. vini
solutorum dosi utens, ne diaetam quidem
consuetam mutans, postero die mane com-
plures lumbricos necatos deponebat.

Et nos remedium hoc non conjunximus
cum aliis adjuvantibus, duobus casibus ex-
ceptis, ubi infantibus corporis constitutione
maxime torpidis, alvi segnitie laborantibus
post binas extracti doses frustra porrectas,
laxans lene dabam ex infusione rad. Rhei,
fol. Sennae et tart. natronato compositum,
quo adhibito lumbrici cum intestinorum con-
tentis liquidis evacuantur. — Ego quoque
remedii hujus certam esse actionem, in quo-
vis casu a me observato vidi; ubi vero non
egit, non remedium sed alia momenta effec-
tui adversa accusanda erant ut afferam.

Animum nunc in id convertentes, quod

in sectione hac exposuimus de effectu, effi-
cacie, adhibendi ratione etc. et seminum
cinae et extracti eorum aeth., hisce virtutibus
remedium nostrum cum seminibus ipsis
comparatum videmus excellere: 1) agit jam
per se tuto nec adjuvantibus opus est magis
minusve nocentibus; in specie vero contra
ascarides praecipue efficax est; 2) actio ci-
tior est; 3) jucundior est sensibus; 4) effec-
tus etiam nullam actionem aliam adversam
involvit; 5) agit jam in paucissimis et mi-
nimis dosibus; ex his sequitur denique 6)
non tot contraindicationes ei obstat, quot
seminibus cinae, quia nec per tantum temporis
spatium nec cum additamentis saepem nobis
conjunctionem id adhibere cogimur, quae
re infantibus debilibus et irritabilibus egregie
convenit.

Liceat nunc mihi, dissertationem jam
ad finem adducenti, observationes meas af-
ferre. Res necessariae urgentes impediabant;
quominus in iis instituendis sat longum tem-
pus ad rem omni ex parte dilucidandam con-
sumerem. Utinam priusquam haec scriberem,
constantiam effectus observare mihi
contigisset! Judicium certum hac de re ferendu-
m aliis relinquent, jure tamen contendere
possum, aegrotos post usum medicaminis
nostrri magnopere levatos fuisse. Hinc quo-
que mihi indulgendum erit quod remedium
nostrum tanquam vermes pellens tantum
non vero tanquam remedium helminthias in
tollens consideravi.

Experimenta mea non eodem sed diverso
institui tempore, ut lunae mutationum vim
in efficacitatem remedii perscrutarer. Ete-

nim anthelminthica plus agere luna decrescente, propter maiorem ad yasa abdominis congestionem sanguinis contendunt (v. Richter l. c.); — elegi porro infantes variarum corporis constitutionum ut remedium nostrum panquam specificum tentarem, qua ex causa variam diaetam etiam praescripsi et formam remedii variam adhibui ut eam invenirem cuius efficacitas ceteras superaret, — porrexim denique aegrotis nonnullis, remedium hoc, qui jam antea aliis anthelminthicis usi erant, ut directo modo majorem anthelminthici nostri vim experirer.

Nasquam forsan crebrius quam in infantibus gentis esthonicae occurrit helminthiasis, et lumbrici in specie, quorum procreationem certe maxime adjuvant victus tenuis concinctu difficillimus, domicilia humida, et sordidum vitae genus. Aptissimum ergo mihi videbatur, ad experimenta, quotquot brevissimo tempore poteram, instituenda, ut plages casus comparare possem, me rus conferre ubi e multis octo infantes rusticorum, elegi et nosocomium constitui, ut secundum praecepta mea ibi curari possent, quae praecepta quantum ad medicamina pertinent, casus singulares describens, affaram. Diaeta in omnibus casibus haec erat: postquam remedium jejuni adhuc sumpserant aegroti, juscum edebant liquidum ex hordeo, decorticato cum aqua coctum. Dr. Schupmanni praecepta ea ex causa non sectus sum, quia infusum coffeeae nigrum propter saporem insolitum et novum coloremque nigrum, infantibus pertinacibus nullo modo inferre potui. Ceterum ne incitamento ma-

jori et insolito effectus turbaretur non nisi victum consuetum admittere decrevi. Meridie tum juscum carnis edebant. Afferendum est, lunam eo tempore quo experimenta haec institui, plenam vix factam esse; omnia die XVI mens. Oct. anni MDCCCXXXIII incepi.

Observatio prima. F., puer annos sex natus, temperamento maxime phlegmatico, facie tumida, oculis ravis, capillis flavis, pupilla dilatata, abdomine inflato et duro, appetitu irregulari, saepissime obstructione alvi, torminibus, ptyalismo nocturno, et tussi vexabatur, quae symptomata ut parentes dixerunt, luna nova praecipue increscere solebant. Tussis mihi cum affectione morbosa abdominis nexum causalem alere videbatur; in thorace enim ipso nulla fere incommoda aderant, causaeque externae in organa thoracis agentes v. c. aër profunde inspiratus, motusque varii etsitus nullius erant effectus nocentis; saepius vero nausea et vomititionibus laborabat, sputaque si ejaculabantur nonnunquam, pituitosae et tenuis simul erant indolis; sonus tussis profundus. Aliis morbis a cunabulis usque ad hoc tempus nunquam laboraverat. Vermes non adhuc visi. Propinabam aegroto die nominato extracti aeth. gr. vii cum sacch. albi s. q. in pulverem redacti in aqua.

Postridie mane nondum ulli vermes depositi erant, ideoque eandem dosin iteravi; — nocte sequente lumbrici sex sine molestia evacuabantur; — maneque quatuor alii.

Obs. secunda. J., puer decem annos natus, oculis coeruleis, pupillis dilatatis,

capillis flavis, corporis structura gracili, temperamento mobili, saepius ciborum appetentia irregulari, doloribus alvi et capitum cum diarrhoea laborans, annis duobus praeteritis febri intermittente vernali affectus fuerat. Abhinc semestri frustra ei dabant doses aliquot seminum cinae. Propinabam ei eodem die gr. vijj extr. aeth. cum saccharo; — dosin hanc die sequente repetivi, nullum vero eventum impetravi, et assumere licet, functiones abdominis turbatas fuisse febris intermittentis sequelis vel aliis causis potius quam vermis, quos nemo adhuc aegrotum evacuisse viderat, sed ex constitutione endemicâ et symptomatibus nonnullis eos adesse suspicabar.

Obs. tertia. P. puer annos quatuor natus, capillis colore stramineo, oculis coeruleis circulis lividis circumdati, habitu inflato et facie tumida, ventre elato, fere semper appetentia ciborum irregulari, obstruktione et doloribus alvi laborabat; increverunt haec symptomata quavis luna nova. Doses aliquot seminum cinae ante menses tres adhibitae nullos elicuerunt vermes. Dabam ei gr. jv remedii nostri cum saccharo, et postridie mane effectu nondum apparente, alteram dosin talem; tum duos deponebat lumbricos cum faecibus duris et parcis; post meridiem laxante adhuc usus sex lumbricos evacuabat.

Obs. quarta. J. puer tres annos natus, constitutione corporis robusta, oculis coeruleis, capillis subflavis, saepius affectus erat torminibus, quae cum invaderent, ptyalismo simul somnoque inquieto vexabatur,

et nares digitis terebrabat; praeterea tussi etiam cruciabatur ei quanu sub obs. prima descripti, simili. Vermes ad hoc tempus nondum observati erant. Eodem, quo gr. ijj extr. aeth. ei dabam, die, diarrhoea et doloribus alvi cruciabatur. Postridie mane quatuor vermes cum sede diarrhoica deponebat, — et quamvis dosi non reiterata, vespero septem adhuc glomere convolutos. Die sequente neque diarrhoea neque tormina aderant.

Obs. quinta. A. soror ejus gemina, simili modo affecta erat, alaciore tantum temperamento, oculis et capillis fuscis. Remedio bis adhibito lumbrici sex evacuabantur. Diarrhoea, qua laboraverat quum medicamen ei propinarem, per diem adhuc durabat, tum vero evanescebat.

Obs. sexta. J. puer annos. quatuor natus, oculis ravis, pupillis dilatatis, capillis subflavis, temperamento alaci, abdomen inflato, saepissimi doloribus alvi, ptyalismo nocturno, somno inquieto, luna nova praesertim laborans, jam prius vermes ediderat, — anno praeterito vero frustra ei sem. cinae in substantia dabant. Nunc extracti nostri dosi unica usus, quatuor lumbricos deponebat cum faecibus consuetae consistentiae et cum copia magna ascaridum. Adhuc de doloribus alvi querenti alteram dabam dosem, quam alvi dejectio sex lumbricos et glomus magnum ascaridum continens sequebatur. Tum alacer et nullis doloribus vexatus visus est.

Obs. septima. L. puella septem annorum, oculis coeruleis, capillis flavis, cor-

poris structura gracili, somno inquieto, torminibus, ptyalismo nocturno, nausea, appetitu irregulari laborans jam anno praeterito vermes evacuaverat; gr. vj extracti nostri cum saccharo ei bis propinabam, tamen pertinacitas et clamores ejus impediebat quominus plus quam dimidiam partem ei inferre possem. Nullum etiam eventum animadvertebam.

Obs. octava. E. puer sextum vitae annum agens, oculis fuscis circulis lividis circumdati, capillisque ejusdem coloris, pupillis dilatatis, facie pallida tenera, ventre paululum inflato praeditus,—saepius, et quidem luna nova maxime, torminibus, ptyalismo nocturno, tussi et dolore capitis vexatus jam prius vermes deposuerat. Nunc remedio nostro usus lumbricos decem et copiam magnam ascaridum necatorum evacuabat.

In omnibus his casibus evacuatio vermium nullis molestiis conjuncta erat.

Aliam experimentorum seriem alio praedium atque alio tempore institui, luna decrescente, die 26 Oct. anni 1833 incipiens et quidem infantes eligens qui nutrimentis et domiciliis jam melioribus adsueverant; diaetam in casibus tribus primum afferendis secundum pracepta Dr. Schupmanni institui,—in ceteris vero eandem quam in modo alatiss.

Obs. nona. L. puella octavum agens annum, oculis coeruleis hilaribus, pupillis dilatatis, capillis subfuscis, constitutione robusta, abdomine paululum inflato, doloribus alvi et ardentissima fame nonnunquam vexabatur et inquietis somniis; post secundum hujusmodi insultum 2—3 lumbricos

evacuaverat, — ultimus paroxysmus mense Augusto invaserat. Pilulis gr. vj extr. aeth. continentibus adhibitis eodem die decem lumbricos necatos deponebat.

Obs. decima. L. St. puellula annos octo nata, oculis ravis, capillis flavis, colore faciei pallido et constitutione phlegmatica praedita, ptyalismo nocturno, doloribus alvi et capitinis coenae praecipue initio intrantibus, laborans, in somno haud raro repente excitabatur dentibusque fremebat; anno abhinc secundo vermes dejecti erant; mense Sept. vero sem. cinae forma electuarii ei propinata nil egerant. Pilulis grana vj remedii nostri continentibus bis usa, lumbricos duodecim deponebat sine molestiis.

Obs. undecima. S. St., quinque annos nata, soror modo memoratae, simili constitutione corporisque habitu, de iisdem fere molestiis querebatur; vermes nondum dejecti. Extracto jam consumto, pilulas quas infans deglutire non poterat cum saccharo contritas ei dabam, eodemque jam die lumbrici plures evacuabantur.

Obs. duodec. G. St. puer annorum trium, frater illarum, temperamento et constitutione corporis phlegmaticis, facie tumida, ventre inaequali modo inflato,—alvi obstructionibus, ptyalismo, somno inquieto in quo ex more ventri incumbebat, laborans, jam prius lumbricos dejecerat. Propinabam ei pilularum cum sach. contritarum doses duas granorum iv; alvo vero tertio etiam die adhuc obstructa, laxans adhibui, quo facto lumbrici sex mortui cum aliis intestinorum contentis dejiciebantur.

Obs. tertia decima. F. R. puer

quinque annorum, oculis coeruleis retrac-
tis, circulis lividis circumdati, capillis sub-
fuscis, constitutione corporis mobili, colore
pallido tenerae faciei, minus de alvi affectio-
nibus querebatur, quam de somno inquieto,
noctambulationibus et loquendo ~~interrupto~~ ;
rogante vero matre ejus, quae vermes cau-
sam esse suspicabatur, dabam pueru duas
doses, tertioque die remedium laxans, sed
sine ullo eventu.

Obs. quarta decima. S. pueru qua-
tuor annos nato, oculis coeruleis, capillis
flavis, constitutione corporis phlegmatica,
temperamento tardo moroso, facie pallida,
ventre inaequaliter inflato, — torminibus
modo cruciato, modo flatulentia cum ob-
structione alvi, modo diarrhoeis, ptyalismo
nocturno et appetentia ciborum irregulari
vexato, mense Septembri sem. cinae dabant
parentes sed sine eventu. Post doses duas re-
medii nostri complures lumbrici evacuab-
tur.

Ex experimentis modo allatis, et hisce
quidem ex casibus haec sequi mihi videntur:
1) remedii nostri efficacitatem non e lunae
mutationibus pendere; 2) pro constitutione
corporis magis phlegmatica et torpida plures
doses etiam expostulantur, et nonnunquam
etiam laxantia lenia; 3) nec forma sub qua
extractum adhibebatur, nec diaeta effectum
variare yidebatur; 4) agit etiam remedium
nostrum in casibus ubi semina cinae plane
non egerunt, attamen non tam certum hoc
habere volo, quia sem. cinae in casibus allatis
ab hominibus artis non peritis adhibebantur.